

管子校正

管子校正卷十六

戴望纂

內業第四十九 區言五

凡物之精此則爲生 丁云此乃化字誤

是故民氣 丁云民乃此字誤氣卽精氣也下文云是故此氣也是其證

淖乎如枉於海 丁云淖讀爲綽莊子大宗師綽乎其殺也釋文綽崔本作淖荀子宥坐篇淖約微達似察楊注淖讀爲綽綽寬也

不可呼以聲而可迎以音 王云尹解可迎以音句云調其官商使之克諧氣自來也其說甚謬音卽意字也言不可呼之以聲而但可迎之以意也音與力德德得爲均明是意之階

字意古讀若億故與力德德得爲均明夷象傳獲心意也與倉則得息國則爲均管子戒篇身任草茅之中而無愒意與或色爲均楚詞天問何所意勇與極爲均呂氏春秋重言篇將以定志意也與翼則爲均秦之眾刻石文承順聖意與德服極則式爲均論語先進篇億則若讀爲聲音之音則失屢中漢書貨殖傳億作意皆其證也其均矣又下文云彼道之情惡音與聲脩心靜音道乃可得尹注曰音聲者所以亂道故惡之也案惡音與聲本作惡心與音音卽意字也道體自然而人心多妄不脩其心靜其意則不可以得道故曰彼道之情惡心與意脩心靜意道乃可得也意之爲音偕字耳脩心靜音音與得爲均明是志意之意非聲音之音也後人誤以音爲聲音之音遂改惡心與音爲惡音與聲尹氏不察而曲爲之說其失甚矣張云彼道之情惡音與聲耳之不能聽也義正相承此音字不當概讀爲意又下文云音以先言音然後形形然後言兩音字亦讀爲意謂意在

言之先意然後形形然後言也

尹注言從音生故音前心術先言亦是曲爲之說

篇云意以先言意然後形形然後思思然後知是其明證也

說文意从心音聲

徐鍇本如此徐鉉本作从心从音意聲相音此鉉不曉古音而妄改之也

近故意字或通作音史記淮陰侯傳項王喑啞叱咤漢書作意烏猝嗟喑之通作意猶意之通作音也

萬物果得

王云果當爲畢字之誤也尹注物皆得宜皆字正

釋畢字心術篇亦云正形飾德萬物畢得

折折乎如枉於側 丁云折折卽哲哲之俗說文昭哲明也毛

詩傳哲哲猶煌煌也

謀乎莫聞其音

王云謀當爲誅說文宋

今作寂

無人聲也或作

誅故曰誅乎莫聞其音俗書謀字作謀與誅相似後人多見

謀少見誅故誅誤爲謀矣陳先生云謀當爲謨謨與漠通漢

書賈誼傳注漠靜也

不見其形不聞其聲而序其成謂之道 文選辯命論注引作
視之不見其形聽之不聞其聲而序其成者道也

凡道無所善心安愛 望案愛爲處字之誤說詳幼官篇
凡道無根無莖 安井衡云古本凡上有故字故凡道至下文
命之曰道二十三字皆屬上節天主正以下提行

山陵川谷地之枝也 王云枝當爲杵字之誤也樞言篇曰天
以時使地以材使大戴禮五帝德篇曰養材以任地履時以
象天周語曰高山廣川大藪能生之良材故曰山陵川谷地
之材也材與時謀爲均謀古讀若媒說見唐韻正若作枝則旣失其義而
又失其均矣時材謀於古音屬支部枝於古音屬支部尹注兩部絕不相通說見段氏六書音均表

非

氣道乃生 聖案左氏襄三十一年傳注道通也氣道乃生猶言氣通乃生耳尹注非

公之謂也 王云公之謂本作此之謂此字指上文治心在於中以下四句而言故尹注云治心之謂今本作公之謂者後人不審文義而妄改之

神明之極照乎知萬物 洪云照與昭通乎字衍昭知萬物爲句心術下篇云神莫知其極昭知天下通於四極其證也劉說略同

中義守不忒 王云義字涉上文天仁地義而衍據尹注云若常守中則無差忒則無義字明矣

有神自在身 丁云有字衍尹注亦無

精將至定 王云至當爲自上文精將自來卽其證尹注非

其外安榮

聖案安當訓乃說見幼官篇

九竅遂通

聖案通當爲達說見心術下篇

筋信而骨強

聖案信古伸字心術篇信作朋

逐淫澤薄

陳先生云澤薄與逐淫對文澤讀爲釋釋舍也舍

薄猶言去其浮薄耳劉曰澤乃釋字是也尹注非

和於形容

聖案和乃知字誤說見心術下篇

搏氣如神萬物備存能搏乎

聖案搏皆搏字之誤說見立政

篇

能無卜筮而知吉凶乎

王云吉凶當依心術篇作凶吉吉與

一爲均

能勿求諸人而得之己乎

丁云當依心術下篇補自字於而

字下尹注云自得者明亦有自字

生將弑舍 丁云弑與孫同弑讓也讀如堯典弑朕位之弑
其精不見其徵不醜 望案精疑情字誤丁云其徵不醜依上
文地出其形言之徵卽形也有權修篇喜之有徵惡之證醜當爲
觀形與醜相似而誤爾雅邁見也說文觀遇見也不觀與不
見同義觀與道壽爲均

平正擅句 丁云四字重見下文疑此衍文

忿怒之失度乃爲之圖 丁云忿當是喜字之誤下文不喜不
怒卽承此文言之下文又云必以喜怒憂患又云悲憂喜怒
皆喜怒哀連言

凡食之道大充傷而形不減 丁云當作形傷而不減與下骨
枯而血涸對文

飢則廣思 望案此廣字讀如樂記廣則容姦之廣鄭注曰廣

謂聲緩也飢則緩思者亦恐傷其精氣

飢不廣思飽而不廢 望案飽疑會字誤爾雅釋詁曰廢止也言飢不緩思雖會不能止飢

大心而敢 丁云敢疑放字誤與廣為均

是謂雲氣意行似天 丁云雲乃靈字誤下文云靈氣在心一來一逝

愛欲靜之遇亂正之 王云遇當為過字之誤也過亂與愛欲對文言當靜其愛欲正其過亂也尹注非

得道之人理丞而屯泄匈中無敗 王氏引之云尹以屯為屯

取非也丞讀為烝

烝與丞古字通列子天瑞篇舜問乎丞釋文曰丞一本作丞漢書翟方進傳大保後

丞丞陽侯甄邯師古曰丞陽侯音丞地

烝升也泄發也屯當

理志作承陽續漢書郡國志作丞陽

為毛字之誤也屯隸省作毛毛隸省作毛二形相似故傳寫多譌史記魯世家子屯立是為廉公漢書律

麻志屯作毛漢書溝洫志河北決於館陶分爲屯氏河師古
曰屯音大門反而隋室分析州縣誤以爲毛氏河乃置毛州
失之甚矣又儒林傳魯伯授太山毛莫如少路宋祁筆記引
蕭該音義曰案風俗通姓氏篇混屯氏太昊之良佐漢有屯
莫如爲常山太守又有毛姓云毛伯文王子也漢有毛樗之
爲壽張令案此莫如姓非毛乃應作屯字音徒本反但毛屯
相類容是言得道之人和氣四達烝泄於毛理之間故句中
傳窮誤耳淮南泰族篇曰今夫道者靜莫恬淡訟繆罔中邪氣
無敗也淮南泰族篇曰今夫道者靜莫恬淡訟繆罔中邪氣
無所西滯四枝節族毛蒸理泄蒸與烝同小雅小弁篇不屬
于毛不離于裏裏與理同
則機樞調利百脈九竅莫不順比是其證也淮南言毛烝理
泄此言理烝毛泄互文耳泄亦烝也幼官篇云冬行春政烝
泄言冬行春政則陽氣不收而烝泄也月令曰孟冬行春令
則地氣上泄亦謂陽氣上烝也泄音私列以制二反曲禮蔥
渫處末鄭注云渫烝蔥也釋文渫以制反烝謂之泄烝蔥謂
之渫其義一也

封禪第五十 禘篇一 尹注云元篇亡今以司馬遷封禪書

所載管子言以補之洪云封禪篇唐初尙未亡史記封禪書
索隱云今管子封禪篇是也尙書序正義王制正義文選羽
獵賦注引此篇古者封泰山禪梁父以下皆作管子是孔李
司馬皆及見之張云汲古單刻本索隱云案今管子書其封
禪篇亡正與尹注合今本管子封禪書注皆錄裴駰集解其
由史文移補無疑而史記三家注合刻本封禪書索隱云今
管子書封禪篇是也蓋淺人祇見今本管子有移補之封禪
書而不察尹注反疑小司馬之誤而改之若無汲古單刻本
則尹注爲孤立矣然小司馬與孔李世相接何以獨不見管
子完書豈孔李所見亦卽移補之本耶管子原文當不止此
而史公祇采此一節其移補之迹顯然

炎帝封泰山禪云云 禮記王制正義引炎帝作少皞

兵車之會三而乘車之會六 陳先生云大匡小匡霸形篇皆作兵車之會六乘車之會三此三六誤倒

小問第五十一 襍篇二

力地而勤於時則國必富矣 王云勤當爲勤治國篇曰田墾則粟多粟多則國富故曰力地而勤於時則國必富也尹注非

公曰吾聞之也 王云公曰吾聞之也當作夷吾聞之也此皆管仲對桓公語下文請問戰勝之器方是桓公問語

然則取之若何 王云取之當爲取士下文則天下之士至矣正對此句而言今本涉上文攻取之數而誤尹注非

不可爲數 俞云不可爲數猶言不可勝數言天下之精材皆

耿於我不可爲之計數也尹注非

小以吾不識 張云小字誤依注似是齊字

守戰遠見有患 俞云遠見卽外知也下文曰夫民不必死則不可與出乎守戰之難不必信則不可恃而外知夫恃不死之民而求以守戰恃不信之人而求以外知此兵之三閫也卽承此文而言故知遠見卽外知也儀禮特牲饋食禮若不吉則筮遠日鄭注曰遠日旬之外日呂氏春秋有始覽冬至日行遠道高注曰遠道外道也是遠卽外也呂氏春秋自知篇文侯不說知於顏色高注曰知猶見也是見卽知也

此兵之三閫也 丁云三當爲二指上文不死不信言注非而憂之以德 俞云說文人部曰憂行之和也凡經傳憂字皆息之偕此則其本字憂之以德謂和之以德也

夫牧民不知其疾 丁云牧民下當有者字上文云凡牧民者必知其疾

來者驚距 王云驚當爲驚字之誤也驚距皆止也言來者止

而不前也說文曰樊驚不前也今本驚驚馬重兒也史記秦

本紀曰晉君還而馬驚晉世家曰惠公馬驚不行今本亦謂

本紀太玄玄鑑曰進欲行止欲驚今本亦字或作駉廣雅曰

駉止也距本作距說文曰距止也是驚距皆止也世人多見

勢少見驚故驚譌爲驚尹氏不能釐正而訓驚爲疑既不合

語意又於古訓無徵斯爲謬矣

質信極忠 宋云案說文仁字古文作忝此與忠也者民懷之

兩忠字當是忝字之誤管子多古字寡者不識改爲忠論語

仲弓問仁子曰己所不欲勿施於人下文非其所欲勿施於

人仁也正釋此仁字

有時先事有時先政有時先德有時先恕 王云案原文內本
無有時先恕四字後人以下文言先之以恕故增此四字也
今案下文但言此謂先之以事此謂先之以政此謂先之以
德而不言此謂先之以恕則本無有時先恕句明矣又下文
云發倉廩山林藪澤以其其財舊本倉譌作倉依朱本改後之以事先之
以恕以振其罷此謂先之以德則先之以恕卽是先之以德
旣言有時先德則無庸更言有時先恕矣後人據下文增入
此句而不知正與下文不合也

百川道 王云道猶順也楚語曰違而道從而逆是其證百川
道年穀孰糴貸賤三句相對爲文尹注非

厚收善歲以充倉廩 聖案歲疑藏字誤

敬之以禮樂 丁云敬疑敦字誤

發倉廩 宋本朱本倉作倉倉字誤

以其其財 宋本財作材

今吾有欲王 宋云有讀爲又

其君豐其臣敦

王云敦當爲殺

色介反

殺與豐正相對尋尹注

亦是殺字也殺字或書作敝與敦相似而誤

公遵遁繆然遠二三子遂徐行而進 王云公遵遁繆然遠爲

句二三子遂徐行而進爲句遵遁與逡巡同戒篇云桓公蹙

然逡遁尹注大謬

則使有司疏獄而謁有罪者償 丁云謁當爲楊周官秋官明

竈注楊頭書臯法也

雖能不久則人持莫之弑也 朱本無人字

先傳曲木曲木又求曲木曲木已傳直木無所施矣先傳直木
直木又求直木直木已傳曲木亦無所施矣 丁云當作又
求曲木又求直木衍曲木直木四字尹注云編棧者先附曲
木其次還須曲木求其類玩其次二字卽解又字則又字上
無曲木二字可知矣馬棧傳木一曲而無不曲故云先傳曲
木又求曲木也

然後可以危鄰之敵國 丁云當作鄰敵之國中匡篇作救敵
之國救與仇同形勢解云以事鄰敵二字連上

桓公踐位令釁社塞禱 丁云塞卽賽字古無賽字假塞爲之
漢書郊祀志冬塞禱祠史記封禪書作賽索隱本出冬塞二
字注云塞音先代反與賽同賽今報神福也

祝鬼已疵獻胙 望案尹注云祝祝史鬼疵其名也則正文當

作祝臯祝疵故以祝祝史總釋兩祝字也今作已者祝之壞
字耳

除君苛疾與若之多虐而少實 王氏引之云若當爲君下文
云又與君之若賢是其證也尹注非

瞑目而視祝臯已疵 宋本瞑目作瞋目王云當作瞋目隸書

眞字或作真冥字或作冥二形相似而誤莊子秋水篇瞋目

或作瞋韓子守道篇瞋目切齒傾耳淮南道應篇
伏非勃然瞋目攘臂拔劍今本瞋字竝譌作瞋

授酒而祭之 安井衡云古本授作受

三強其使者 丁云尹注本三字絕句屬上讀誤當讀三強其
使者爲句與三辱其君對文爾雅彊當也相值謂之當

桓公放春三月觀於野 洪云放古字通作方堯典方命圯族

漢書傅喜傳朱博傳俱作放命荀子子道篇不放舟注讀爲

方尹注非

眴眴乎其孺子也 丁云眴眴疑當作恂恂方與尹注柔順
兒相合元刻注文無胡絹切目搖也六字疑淺人所加聖案
宋本其孺子也上無何字

至其成也由由乎茲免何其君子也 程氏瑤田九穀考云茲
免云者免俯也茲益也謂其穗益俯而向根也淮南繆稱篇
注云禾穗坐而向根故君子不念本也今諸穀惟禾穗向根
可驗也王云程說是也禾成而穗益俯若君子之德高而心
益下故曰由由乎茲免何其君子也趙策曰馮忌接手免首
欲言而不敢姚本如是鮑本改免爲免韓策曰免於一人之下而信於萬
人之上漢書陳勝傳贊曰免起阡陌之中是免字古通作免
尹注非

桓公北伐孤竹未至卑耳之谿十里 水經濡水注引管子桓公二十年征孤竹今本桓公下脫二十年三字丁云御覽谿六十七引未至上有迴車二字案卑耳之谿不在孤竹之地小匡篇曰西征攘白狄之地遂至于西河方舟設枻乘桴濟河至于石沈縣車乘馬踰大行與卑耳之谿拘秦夏又封禪篇曰西伐大夏涉流沙束馬懸車上卑耳之山此可證卑耳之谿離孤竹甚遠當有迴車二字謂自孤竹迴車以至辟耳之谿也

見是前人乎 藝文類聚武部御覽地部三十二兵部六十引此文皆無是字王云是字卽見字之誤而衍者

左右對曰不見也 水經注及御覽兩引皆無也字

公曰事其不濟乎寡人大惑 御覽引無事其不濟乎二句

冠右祛衣

說苑辨物篇作有人長尺冠冕左祛衣載文類聚

武部御覽兵部開元占經人及神鬼占竝引作冠冠右祛衣

王云冠冠者首戴冠也

呂氏春秋知士篇冠其冠帶其劍

今本脫一冠字則

文義不明聖案說苑辨物篇作有人長尺冠冕左祛衣

走馬前疾

御覽引作馬前疾走下文同

事其不濟乎寡人大惑豈有人若此者乎

御覽引作寡人其

不濟乎豈有人若此者乎

臣聞登山之神有兪兒者

水經濡水注引登作豈兪作偷御

覽休徵部一引登作昇

有贊水者曰

丁云水經濡水注引無曰字而云今自孤竹南

出則巨海矣而滄海之中山望多矣然卑耳之川若贊谿者

亦不知所枉也如其說蓋以贊爲水名與尹注謂贊引渡水

者不合

從左方涉其溪及冠從右方涉其溪至膝 說苑作左方渡至

踝從右方渡至膝

若右涉其大濟 水經濡水注劉逵吳都賦注藝文類聚武部
御覽兵部並引作已涉大濟說苑作已渡事果濟

仲父之聖至若此 宋本無若字

甯戚應之曰浩浩乎 元刻此句下有育育乎三字丁云當據
元刻補下文云浩浩者水育育者魚是其證又甯戚應我曰
浩浩乎下亦脫育育乎三字

婢子曰公何慮 藝文類聚人部引作婢子問之曰

晉者吳干戰未斷不得入軍門國子擣其齒遂入爲干國多

兪云干當作邗說文邗國也从邑干聲一曰邗本屬吳案哀

九年左傳吳城邾卽此也邾本國名後爲吳邑此文云吳干戰吳干均國名也國子乃干國之人故曰爲干國多言此役也國子在於國中戰功獨多也尹注不知干卽邾字誤解爲江邊地則吳與戰者何國也且爲干國多句遂不可解矣寶應劉氏寶楠同俞說又云江邊卽廣陵地也吳自魯成公時始見春秋滅邾當在其前故不見於左氏也

穆公舉而相之 望案秦穆後管子卒二十一年此稱其謚蓋後人附益之詞

浩浩者水育育者魚未有室家而安召我居 藝文類聚人部引作浩浩之水育育之魚未有家室我將安居御覽人事部引育育作游游

甯子其欲室乎 藝文類聚人部御覽人事部引此句下並有

仲以其言告桓公七字今本脫

有執席僉以視上者 王云視上當爲上視故尹注云私目上
視北堂書鈔武功部二引此正作上視呂氏春秋重言篇說
苑權謀篇亦作上視

東郭鄧至 北堂書鈔百十四引鄧作牙呂覽同說苑權謀篇
作坐

與之分級而上 王云上當爲立此涉上句而誤也呂氏春秋
說苑及論衡知實篇竝作分級而立

君子善謀而小人善意臣意之也 王云意讀爲億卽度也尹
注謂善以意度之非

夫淵然清靜者 丁云夫字衍

日者臣視二君之在臺上也 二字衍說苑呂覽皆無二字

口開而不闔是言莒也 俞氏正變云韓詩外傳引此作口張而不揜舌舉而不下呂氏春秋重言作𠵽而不𠵽說苑重謀作吁而不吟論衡知實篇作君口坐而不𠵽梁元帝金樓子志怪則曰口開而合顏氏家訓音辭則謂李季節引此口開而不閉證莒音不必同矩是古有二本一作口開而不合一作口開而合皆象聲知之而注云兩口相對則是言莒亦怪謬矣

唯莒於是 王云尹注未曉於是二字之義於是二字與莒字同訓言臣觀小國諸侯之不服者唯莒焉臣故曰伐莒也莊八年公羊傳吾將以甲午之日然後祠兵於是於是卽莒也僖十五年左傳晉於是乎作爰田晉於是乎作州兵晉語作焉作輟田焉作州兵西周策君何患焉史記周本紀作君何

患於是此其明證矣呂氏春秋季春篇注曰豸猶於此也於此卽於是聘禮記曰及享發氣豸盈容言於是盈容也三年問曰故先王豸爲之立中制節言先王於是爲之立中制節也

客間之 宋本間作問

管子校正卷十六

管子校正卷十七

戴聖纂

七臣七主第五十二 襍篇三 張云據篇中七主在前七臣在後則篇題臣主二字當互易

或以平虛請論七主之過 陳先生云過當爲道涉下文兩過字而誤六過一是爲七主若云七主之過則不可通矣尹注非

呼嗚美哉成事疾 元本呼嗚作嗚呼丁云成疑當爲盛盛成古通用疾疑矣字誤人主得六過一是有國者之盛事故歎美之曰嗚呼美哉盛事矣

申主任勢守數以爲常 尹注云申謂陳用法令劉云申乃中字之誤蓋謂得中道之主王氏引之云申讀曰信漢書高惠

高后文功臣表注曰古信申同義信之通作申猶申之通作信也出政而信於民故曰信主據下文云皆要審則法令固賞罰必則下服度則申主之卽信主明矣尹劉二說皆失之皆要審 兪云皆疑比之誤周官小司徒曰及三年則大比大比則受邦國之比要鄭司農云五家爲比故以比爲名今時八月案比是也要謂其簿然則比要者大比之簿籍也

喜決難知以塞明 吳云決疑恕字誤

不許則國失勢 孫云許卽悟字與寤通用謂不覺寤也下俱同尹注非

耳常五聲 丁云常疑章字誤

四鄰不計 兪云此當作四隙不計據尹注四鄰與己爲隙不計度而知之四鄰與己爲隙正解四隙之義今本作四鄰不

計者卽涉注文而誤也下文曰故上僭則隙不計文與此同
彼脫四字耳

臣主同則 丁云案此文皆四字爲句臣主同則謂不分上下
之制度君與臣混而同之卽是不明分職之意則與職刻始
得爲均尹讀則字下屬非也

臣下振怒 王氏引之云怒當爲恐此涉上文喜怒而誤也振
恐卽震恐

莖主通人情以質疑 陳先生云莖主已見上文爲六過主之
一矣此莖主疑當作亾主亾主在六過主之末猶亂臣在六
過臣之末也

昏則緩急俱植 洪云植古置字謂緩急皆置而不行尹注非
故主虞而安 王云虞與娛同樂也言國有道則主樂而安也

尹訓虞爲度非是又案故主虞而安以下七句與上文不相承接其上當有脫文張云篇首六過在前一是在後則申主一節當在末故主虞而安正承上則民反素也句文氣相貫吏肅而嚴承任勢四句民樸而親承民反素句官無邪吏云云則總承上事言之蓋是錯簡非有脫文

故一人之治亂在其心 張云自此以下至名斷言澤與上下文不相覆又是他篇錯簡

女不緇 王氏引之云緇字義不可通尹訓爲黑緇非也緇當爲績男不田女不績猶揆度篇之農不耕女不織也隸書畱字或作畱形與責相似故績譌爲緇宋云緇與織聲之轉當讀織

何以効其然也 丁云効乃知字誤

曰簪者桀紂是也 王云桀字後人所加下文遇周武王云云
專指紂而言則無桀字明矣

誅賢忠 丁云忠疑臣字誤唐武后臣作忠

瑤臺玉舖不足處 宋云舖與處不相蒙舖當爲館玉館猶言
璇室也類要作玉輔望案舖輔皆固之假字

材女樂三千人 陳先生云材疑列字誤

故設用無度國家路 望案路當作路下文亡國路家同路與
度爲均說詳五輔篇

商宦非虛壤也 張云商宦疑當作宮室

歲有敗凶 丁云敗疑賑字誤爾雅曰賑富也下文民有羨不
足卽蒙此文言之謂富歲故民羨凶歲故民不足也望案凶
疑豐字之壞穀梁莊二十九年傳豐年補敗注敗謂凶年豐

敗二字相對

故民有義不足 王云義當爲羨字之誤也後國蓄篇輕重乙篇多言羨不足尹注非

夫亾國陪家者 俞云以下文句例求之此者字衍

夫凶歲雷旱 丁云雷乃霖字誤爾雅久雨謂之淫淫謂之霖左傳凡雨自三日以往爲霖若作雷則失其誼矣張云據下云非無雨露則此句專指旱雷字疑雷之譌

無制大陵倮大衍伐大木 洪云倮當爲倮輕重己篇作母戮大衍古通作劬謂盡其力也王云洪謂倮當爲倮是也俗書倮字或作倮與倮字相似而誤倮卽倮字也說文倮燒種也漢律曰倮田秣艸玉篇力周切田不耕火種也淮南地形篇注曰下而污者爲衍倮倮古字通倮大衍者謂火焚其草木

也輕重已篇僂作戮古者戮勦二字竝與膠同音湯詁釋文曰勦說文

力周反成十三年左傳勦力同心釋文勦音康力勦反呂靜

韻集與膠同漢書高祖紀臣與將軍戮力攻秦師古曰勦音

力竹反又力周反古今人表廖叔安師古曰左氏傳作

戮同音力周反又力授反是戮勦二字音與膠同也故膠

通作戮又通作僂也呂氏春秋上農篇曰山不敢伐材下木

即此所謂無伐大木也又曰澤人不敢灰僂即此所謂無僂

大衍也

收穀賦 王云續漢書五行志注引作收穀賦錢是也說文賦

斂也賦錢與收穀對文

秋毋赦過 宋本毋作無與上下文同

傷伐五穀 宋本朱本皆作五藏王云當作五藏禁藏篇云冬

注云五穀之藏是續

收五藏是也今作五穀者涉注文而誤釋五藏非釋五穀

漢書五行志注引此正作五藏

故春政不禁則百長不生夏政不禁則五穀不成 五行志注
引作春政不禁則五穀不成夏政不禁則草木不榮

大風漂屋折樹 五行志注引此樹下有木字

火暴焚地焦草 王云火暴當爲暴火與大水大風對文焚地
焦草亦與上二句對文焦與焦同尹注非

苴多賸藝 陳先生云苴古通菹趙岐孟子注菹澤生草者也
今青州謂澤有草者爲菹宋說同

山多蟲蠹 王云蟲蠹卽蟲螟月令曰蟲螟爲害是也注內蠹
卽蝨三字蓋後人妄加

亾國之廡也 續漢書五行志注引廡作廉

羽劒珠飾者斬生之斧也文采纂組者燔功之審也 五行志
注引羽劒作翠羽文采作五采燔作蕃審作室丁云生讀爲

性呂覽本生篇命之曰伐性之斧說苑敬慎篇徼幸者伐性之斧也

則人主道備矣 王云五行志注引作則王道備矣於義爲長吏民規矩繩墨也 丁云吏當爲使聖案說文吏治人者也此吏當訓爲治不必改使字

上多喜善賞不隨其功 元刻賞下有而字是

數出重法而不克其罪 王氏引之云克讀爲核不克其罪謂不核其罪之虛實也呂荆曰其罪惟均其審克之漢書刑法志引作其審核之是其證矣尹注非

故有百姓無怨於上 王云有卽百字之誤而衍者

上亦法臣法斲名決無誹譽 王云臣下當有亦字上亦法臣亦法調君臣皆守法也下文君法臣法卽承此文言之丁云

臣下脫亦法二字上亦法句臣亦法句法斷名決句無誹譽句知者以下文君法則主位安臣法則貨賂止而民無姦兩句分承故此當平列也名讀如荆名之名凡罪人姓名以及某罪在大辟某罪在小辟皆是法斷則名決而民亦無誹譽也

無實則無勢 張云據下文失轡則馬馬制疑此勢字當作執蓋形近譌勢傳寫又加力耳

好佼反而行私請 劉云佼與交同反當作友注非王云明法篇曰民務交而不求用又曰十至私人之門不一至於庭明法解交作佼張云疑佼字一本作友譌爲友後人不察而兩存之此處文義不合有友字

亂臣多造鍾鼓眾飾婦女以僭上 陳先生云亂臣爲六臣之

一在下文此亂臣當作諂臣下文云是以諂臣貴而法臣賤是其明證劉績以下亂臣爲字誤恐非

多兌道 安井衡云兌當爲稅之壤字多稅道多稅斂之道也故記稱之曰愚忠讒賊 王云愚忠本作愚臣卽承上文愚臣而言故尹注亦作愚臣此作愚忠者唐武后改臣爲愚因脫其上畫而爲忠矣

故善言可惡以自信而主失親 丁云尹讀惡字句非當讀信字句與親均

居爲非母動爲善棟 陳先生云母當爲冎冎古貫字爾雅曰貫事也說文曰棟極也居爲非事而動爲善極此所謂以非買名也尹注非

以非買名以是傷上 張云非是二字當互易又案七臣有六

過而缺一是蓋有脫文

之謂微攻 陳先生云之上脫此字此之謂微攻與上文此之謂微孤同一句例

禁藏第五十三 襍篇四

夫冬日之不濫非愛冰也 意林御覽時序部七人事部三十六引濫作盪冰作水丁云水與火體爲均當作水壘案內則有濫以周官六飲校之濫卽涼也呂覽節喪篇鍾鼎壺濫注云以冰置水漿於其中爲濫則濫近小招所謂凍飲者

爲不適於身便於體也 御覽引便上有不字據尹注亦有不字今本脫

夫明王不美宮室非喜小也 意林美作治喜作愛

故先慎於己而後彼官亦慎內而後外民亦務本而去末 陳

先生云彼衍字後與彼形相近而譌併入之耳官亦慎內而後外民亦務本而去末二句對文言明王先慎於己而後官民胥效也

居民於其所樂 丁云民字依下文五句亦當作之

信之於其所餘財 丁云信讀爲屈信之信言上不奪取之也於下無誅者必誅者也 丁云於下二字疑衍此承上文功之於其所無誅句反覆推究無誅之故無誅者必誅者也與下文有誅者不必誅者對文

夫先易者後難 孫云依注者當作而王說同

非喜予而樂其殺也 王云其字涉上文知其然而衍尹注無於以養老長弱 安井衡云古本弱作幼

夫不法法則治 王云不字涉上文而衍法法者守法也

周官小宰

管子卷一
五曰廉潔鄭注言能守法則國必治也故下文曰不失其法
澹守澹不失也然後治若反是則謂之不法法故法法篇曰不法法則事母
常也尹注非安井衡云當作不法法則亂法法則治方足文
義

吏不敢以長官威嚴危其命 俞云危者詭之段字曹大家注
幽通賦曰詭反也

故主上視法嚴於親戚 張云上疑當作之與下吏民二句句
法一例

民之承教重於神寶 俞云爾雅釋詁曰神重也此言神寶卽
上言重寶因句有重字故變重言神耳

刑賞不當斷斬雖多其暴不禁 王云賞字與下二句義不相
屬此涉下文賞雖多而衍

行法不道 宋本作荆荆法與下舉錯對文

當今爲愚人 安井衡云今乃命字誤

能節宮室適車輿以寶藏 俞云適節也呂覽重己篇故聖人必先適欲高注曰適猶節也

則國必富位必尊 丁云尊下脫矣字當據下文補

近之不能勿欲遠之不能勿忘 丁云中立本忘作惡上文云得所欲則樂逢所惡則憂欲惡對文聖案安井衡所述古本正作惡

食飲足以和血氣 中立本作飲食

故意定而不營氣情氣情不營則耳目穀 丁云當作故意氣定而情不營情不營則耳目穀心術下篇故曰毋以物亂官毋以官亂心此之謂內德是故意氣定然後反正內業篇氣

意得而天下服心意定而天下德七臣七主篇此營於物而失其情者也

其唯無福禍亦不來矣 聖案唯與雖同

是故君子上觀絕理者以自恐也下觀不及者以自隱也 陳先生云隱與恐義相近隱當讀爲慙爾雅釋訓曰慙慙憂也字又作殷毛詩如有隱憂韓詩作殷憂古隱殷慙三字皆同尹注訓隱爲度失之

能利害者 中立本能下衍以字

漁人之入海海深萬仞就彼逆流 意林無之字萬仞作百仞就作衝安并衝云古本彼作波

宿夜不出者 意林宿作日

雖千仞之山無所不上深源之下無所不入焉 御覽資產部

引作無不上焉無不入焉王云淡源當爲淡淵意林淵作泉
避唐高祖諱也則本作淵明矣

法令爲維綱 安井衡云古本作綱維

被蓑以當鎧鎬 丁云鎬當作襦短衣也

見說文

方言云自關而

東亦謂之甲襦鎧卽甲也蓋甲內衷襦襦制略同淡衣方言
之甲襦卽淡衣所云可以武者也

菹笠以當盾櫓

陳先生云菹與苴同苴笠與被蓑對文苴之

爲言且也且者薦也漢書賈誼傳冠雖敝不以苴履苴笠猶
苴履也尹注非

農事習則功戰巧矣 洪云功古通作攻字

當春三月蒺室煖造鑽燧易火杼井易水 尹解蒺室煖造云

煖謂以火乾也三月之時陽氣盛發易生溫疫楸木鬱臭以

辟毒氣故燒之於新造之室以禳祓也王云尹說甚謬輕重
己篇曰教民樵室鑽燧堽竈泄井所以壽民也鑽燧泄井即
此所謂鑽燧易火杆井易水也樵與萩古字通萩室即樵室
也公羊春秋桓七年焚咸丘傳曰焚之者何樵之也樵之者

何以火攻也樵室與燠竈同意燠古然字也霸形篇楚人燒

衡感虛篇燠一炬火焚一鑊水燠竝與然同淮南天文篇陽
燧見日則然而爲火華嚴經十三音義引然作燠說林篇一
燠炭燠文子上說文曰然燒也堽與燠字相似故燠譌作堽
德篇燠作然

造即竈字也周官膳夫曰王日一舉以樂侑會卒會以樂徹
于造淮南主術篇曰伐礬而會奏雍而徹已飯而祭竈淮南
之祭竈即周官之徹于造蓋徹饌而設之於竈若祭然也周
官大祝二曰造故書造作竈史記秦本紀客卿竈秦策竈作
造吳越春秋夫差內傳勒馬銜枚出火於造即吳語所謂係

馬舌出火竈也丁云杼當爲杼說文杼挹也大雅生民釋文引倉頡篇云杼取出也一切經音義引通俗文沒出謂之杼廣雅杼渫也輕重己篇作渫井

毋拊竿 望案拊竿乃折竿之誤說見四時篇

振孤獨 宋本振作賑

最萬物 丁云最當作取說文冂部取積也取與聚音義皆同與曰部之最音義皆別詳段先生說文注

約地之宜 王云約字於義無取約當爲得得約草書相似故

得譌爲約也又下文故奔亡者無所匿遷徙者無所容不求

而約不召而來約亦草書得字之誤得與來爲均也古來字亦讀入

警小雅出車篇謂我來矣與牧載棘爲均大東篇職勞不來與服爲均大雅靈臺篇庶民子來與亟圖伏爲均常武篇徐方既來與塞爲均通典食貨三引此正作不求而得

忠人之和 俞云忠當讀爲中中人之和猶言得人之和周官
師氏掌國中失之事鄭注曰故書中爲得呂覽行論篇以中
帝心高注曰中得也

夫動靜順然後和也 丁云也字衍與下文兩句一例

不亂而亾者 元本朱本無者字

自古至今未嘗有也 元本無也字

故德莫若博厚使民外之賞罰莫若必成使民信之 王云必

成本作成必成卽誠字也

說見君臣下
篇戒心下

九守篇曰用賞者貴

誠用刑者貴必故曰賞罰莫若誠必使民信之誠必與博厚
相對爲文作成者假借字耳後人不解成必二字之義遂改
爲必成而不知其謬以千里也荀子致士篇曰人主之患不
在乎不言用賢而在乎不誠必用賢呂氏春秋論威篇曰又

況乎萬乘之國而有所誠必乎則何敵之有賈子道術篇曰
伏羲誠必謂之節枚乘七發曰誠必不悔決絕以諾淮南兵
略篇曰將不誠必則卒不勇敢皆以誠必連文九守篇又曰
刑賞信必於耳目之所見信必亦誠必也

吏無備追之憂 王氏引之云備追當爲追捕民不流亡則吏
不追捕漢書韓延壽傳亦云吏無追捕之苦民無塗楚之憂
今本追捕二字誤倒而捕字又誤爲備則義不可通尹注內
備字亦當爲捕案注云人不流亡何所捕而追之則所見本
而誤爲備矣通典引作
備追則所見本已誤

果蓏素食當十石 王氏引之云素讀爲蔬字或作蔬月令取
蔬食鄭注曰草木之實爲蔬食淮南主術篇曰夏取果蓏秋
畜蔬食卽此所謂果蓏素食也墨子辭過篇古之民未知爲

飲食時素食而分處亦以素爲疏尹注非

夫敘鈎者所以多寡也 元本劉本敘作鋳丁云國蓄篇曰引
鋳量用尹訓爲籌案鋳之爲籌雖無可攷見然必是較量多
寡者所用之物鈎疑鈎字誤慎子曰夫投鈎以分財又曰分
田者之用鈎荀子君道篇以揆籌設鈎竝舉是鈎亦籌類多
寡上疑脫一字下文視輕重是其句例

戶籍田結者 丁云結者約也

公羊傳古者不盟結言而退

說文契大約也

周禮有約劑左襄十二年傳使陰里結之結卽士師之約劑
也又司約治地之約次之注地約謂經界所至田萊之比也
卽此所謂田結也今用文書要約亦謂之結

而謀有功者五 丁云下文云此五者謀功之道也當作而謀

功有五

一曰視其所愛以分其威 聖案六韜文伐篇文與此同視作親元本威下有權字

一人兩心其內必衰也臣不用其國可危 丁云也乃忠字誤董子云持一中者謂之忠謂事君無二心也上文言一人兩心則此必是忠字反正相對爲義下文云謹其忠臣又云忠臣已外故政可尊是其證

視其陰所憎 王云陰字涉下文陰內辯士而衍視其所憎與上文視其所愛相對據尹注云視敵所憎者多與之賂則所憎上無陰字明矣

聽其淫樂以廣其心 吳云聽當爲歸丁云廣讀放曠之曠外內蔽塞可以成敗 王氏引之云此欲其敗非欲其成也成字義不可通成當爲或字形相似而誤或與惑通四稱篇迷或其君卽

迷惑字論語顏淵篇子張問崇德辨惑釋文惑本亦作或大戴禮曾子制言篇貧賤吾恐其或失也盧注曰或猶惑也孟子告子篇無或乎王之不智也魏策曰臣甚或之皆以或爲惑致禍敗也注內理擁而見惑正解或字

如典之同生 朱長春云典疑與字誤孫說同

是必士鬪 朱本作必是士鬪丁云當作是士必鬪是則也倍約絕使拂意則士必鬪也尹注所見本不誤

謹其忠臣 張云謹疑謀字之譌說文謀軍中反閒也

離氣不能令 丁云氣字衍令乃合字誤離不能合承上使有離意句上下文皆四字爲句令字涉上令內而誤尹注非

管子校正卷十八

戴望纂

入國第五十四 襍篇五

入國四旬五行九惠之教 洪云四旬四十日也五行行五次也史記管仲傳正義引管子云相齊以九惠之教是約其義也尹注非

一曰老老 北堂書鈔三十九引作一曰養老

六曰問疾 王氏引之云問疾當爲問病下文曰凡國都皆有

掌病士人有病者

人當

掌病以上令問之又曰掌病行於國

中以問病爲事此之謂問病與此前後相應則作問病明矣

若作問疾則與四曰養疾之疾無所區別蓋傳寫之譌也北

堂書鈔政術部十三引此已誤又案下文所謂問疾者疾甚

者以告二疾字皆當作病所謂問病者與此之謂問病正相應也士人有病者掌病以上令問之病甚者以告上身問之有病與病甚亦相應也今本作疾者蓋六曰問病已誤作疾後人又據已誤之上文改不誤之下文耳幸其改之不盡尙可據以更正

士人外 丁云人當作民上文云士民有子下文云士民外上事

必知其食飲飢寒身之臍勝而哀憐之 王云勝讀如減省之省勝亦瘦也字或作胄又作瘠又作省周官大司馬馮弱犯寡則胄之鄭注曰胄猶人胄瘦也釋名釋天篇曰胄瘠也如病者瘠瘦也又釋言語篇曰省瘠也臞瘠約少之言也呂氏春秋審時篇失時之稼約高注曰約胄病也晉灼注漢書外

戚傳曰三輔謂憂愁面省瘵曰嫫其後漢書袁閎傳注引謝承書曰面貌省瘵竝字異而義同

所謂養疾者凡國都皆有掌養疾 王氏引之云皆有掌養疾養字因上文而衍上文說老老云凡國都皆有掌老說慈幼云凡國都皆有掌幼說恤孤云凡國都皆有掌孤說問病云凡國都皆有掌病則此亦當言掌疾明甚又案下文曰所謂通窮者凡國都皆有通窮亦當言皆有掌窮今作皆有通窮者因上文而誤

疾官而次食之 聖案疾字自爲句官古館字尹以疾字屬上讀非

殊身而後止 王云說文殊舛也猶言燬身而後止也尹注非戲凶庸 王氏引之云庸字義不可通庸疑當作康字形相似

而誤凶康卽凶荒也古聲康與荒通故襄二十四年穀梁傳
四穀不升謂之康韓詩外傳康作荒逸周書謚法篇凶年無
穀曰穰史記正義穰作荒淮南天文篇三歲而一饑六歲而
一衰十二歲而一康太平御覽時序部二引作十二歲而一
荒

人訾厲 洪云訾通疵列子黃帝篇物無疵厲莊子逍搖游篇
使物不疵厲爾雅釋故皆病也古字皆通用

九守第五十五 襍篇六

安徐而靜柔節先定虛心平意以待須 勢篇作安徐正靜丁
云須當爲傾傾覆也危也言虛心平意以待天下之亂也勢
篇云其所處者柔安靜樂行德而不爭以待天下之潰作也
尹注云潰動亂也是其證傾與靜定爲均鬼谷子符言篇作

以待傾損聖案韋注周語曰待猶備也丁謂待天下之亂說似誤

用賞者貴誠 聖案誠當作信六韜賞罰篇亦作信

刑賞信必於耳目之所見則其所不見莫不聞化矣 聖案六韜兩見字下皆有聞字

誠暢乎天地通於神明見姦僞也 俞云見兄字之誤管子書每以兄爲況字此言精神可以暢天地通神明況姦僞乎言必爲其所化也古字也與邪通故陸德明經典釋文曰也邪弗殊然則況姦僞也猶云況姦僞邪因段兄爲況又誤兄爲見而其義全失鬼谷子符言篇作誠暢於天下神明而況姦者于君其文雖不同然況字正不誤可據以訂正

四曰上下左右前後熒惑其處安在 王云尹以熒惑爲法星

非也熒惑猶眩惑也

逸周書史記篇曰熒惑不治趙策曰蘇秦熒惑諸侯或作營惑又作營或史記

吳王濞傳御史大夫鼂錯熒惑天子漢書作營或淮南厲王傳熒惑百姓漢書作營惑

鬼谷子符言篇

四曰作四方其處作之處於義爲長

四方作四曰因上文四一日二日三日而誤

方上下承天地而言左右前後承人而言熒惑謂不明於天

地人之道也問心所眩惑之處在四方上下乎抑在左右前

後乎故曰四方上下左右前後熒惑之處安在非謂法星安

在也

尹注鬼谷子曰熒惑天之法星所居災眚吉凶尤著故曰雖有明天子必察熒惑之所在故亦須知也念孫案

文云必視熒惑所在此亦云熒惑之處安在因而誤會矣

君因其所以來 聖案來乃求字誤說見小稱篇

因之修理故能長久 聖案修乃循字誤說見形勢篇

關閉不開 王氏引之云關閉當爲關閉

尹注

說文曰關以木

橫持門戶又曰閉閤門也從門才所以拒門蓋關與閉皆拒

門之木因謂闔門爲關閉也八觀篇曰宮垣關閉不可以不

備

今本備誤作脩辭見版法

是關閉皆距門之木故曰關閉不開也若開

爲里門而與關竝舉之則爲不類八觀篇旣云關閉不可以

不備又云闔開不可以毋闔是闔開爲一類關閉爲一類也

閉字本作閉與開相似而誤鬼谷子正作關閉不開

今本鬼谷子關

誤作開不下又晚開字而閉字獨不誤

明知千里之外隱微之中曰動姦姦動則變更矣 望案動當

作洞聲之誤鬼谷子作是謂洞天下姦

修名而督實 望案修亦循字誤說見形勢篇文選晉紀總論

注引作循名而案實

反相爲情 丁云反讀還反之反說文還復也反相爲情猶禮

記言還相爲宮耳

智生於當 朱本當作富非

桓公問第五十六 襍篇七

齊桓公問管子曰 宋本作管仲

得而勿忘 望案忘當作亾

黃帝立明臺之議者上觀於賢也堯有衢室之問者下聽於人也 初學記十三藝文類聚十一引明臺作明堂三國志魏文帝紀注引賢作兵御覽地部三十二引立作有無兩者字人作民

禹立諫鼓於朝而備訊咎 北堂書鈔九引作禹置敢諫之鼓 三國志注引備訊咎作備訴訟於義爲長

湯有總街之庭以觀人誹也 類聚人作民誹作非

武王有靈臺之復而賢者進也 三國志注引復作囿類聚引

作靈臺之宮與上總街之庭句相對初學記引作靈臺之候
卽今本復字之譌

有司執事者咸以厥事奉職而不忘爲此噴室之事也 陳先
生云厥讀爲竭蹙之蹙劉績改厥爲決於義不安望案爲字
宋本朱本皆作焉屬上讀於義爲長

度地第五十七 襍篇八

蓋天子聖人也 吳云子乃下字誤
而擇地形之肥饒者 元本形作利

經水若澤 王氏引之云經字義不可通地在水旁非經過之
謂也蓋因下文命曰經水而誤經當作緣緣者因也因水及
澤而建都也注內緣水澤三字卽覆舉正文也

內爲落渠之窾因大川而注焉 安井衡云落絡通絡繞也國

都之內作繞絡四方之渠以泄寫穢惡又因大川而注流之
乃以其天材地之所生利養其人以育六畜 丁云疑當作乃
以其天材地利之所生養其人以育六畜今本利字脫置在
下句下文云因天之固歸地之利

州者謂之術不滿術者謂之里 王氏引之云州者上亦當有
不滿二字下文里十爲術術十爲州故曰不滿州者謂之術
不滿術者謂之里尹注非

國也以奉天子 丁云也乃亾字誤不如霸國者 句國亾 同以
奉天子 句

上相稽著者 尹注云稽鉤也謂荊棘刺條相鉤連也張云稽
無鉤義疑當作稽稽義爲畱止急就篇沾酒釀醪稽極程稽
極卽積穢極固譌字稽與積疑古通說文稽穢而止也賈侍

中說稽繒稽三字皆木名疑稽繒或作稽稽總之皆從禾起義稽繒樹枝句曲荊棘之刺亦似之故云相稽著尹訓爲鉤蓋所見本猶作稽今則正文與注皆誤矣

君體有之以臨天下 丁云有字當在臨字下法法篇資有天下制在一人

人乃終身無患害而孝慈焉 望案害字涉上文五害而衍又有遠近 御覽地部三十二引近作邇

水別於他水入於大水及海者 水經河水注別作引言引他水入於大水及海今本作別非

水之出於他水溝流於大水及海者命曰川水 王云出於他水本作出於地下文出地而不流者命曰淵水正對此出地而流者言之今作出於他水者地他字相似又涉上文別於

他水而誤水經河水注引此正作出於地

此五水者因其利而往之可也因而扼之可也 王云往當爲

注字之誤也

隸書往字或作注與注相似

注之與扼之意正相反據尹注

云謂因地之勢疏引以溉灌則當作注明矣

故高其上領瓴之尺有十分之三里滿四十九者水可走也乃
迂其道而遠之 宋云案上領領字誤校者改爲瓴字而兩
存其讀言使下向高而以瓴瓴引水則滿四十九里而水仍
走下矣言其力之不能達也故必迂其道以遠之禹醴二渠
以引其河北載之高地卽迂其道以遠之也自此以下八十
餘言皆明道水向高之法注說全非

杜曲則擣毀杜曲激則躍 丁云當作地曲則擣激激則躍地

曲對地下地高言之杜與地毀與激形近而譌又衍杜曲二

字否則激字無來文矣

難治則不孝不孝則不臣矣 陳先生云二孝字皆當爲孝讀如效

人君天地矣 安井衡云古本矣作也

率部校長官佐各財足 俞云財足猶言纔足也蓋不限以人

數使其纔足以任事而已下文給卒財足亦言給之以卒使

纔足任事不限人數也尹注皆非史記孝文紀見馬遷財足

楊雄傳財足以奉郊廟注云讀與

巖同漢書以財爲纔不可枚舉

有錮病不可作者疾之 丁云疾乃癘字誤癘之與免之同義
卽周官鄉師所謂疾者皆舍也

可省作者半事之 俞云省少也省與少一聲之轉故義得相

通喪服小記多陳之而省納之荀子仲尼篇省求多功竝以

省與多對文此言雖有疾病不能多作猶可少作故半事之也尹注調可以省視作者取其半功未得其義

閱具備水之器 元刻具作其是也尹注亦是其字

籠函版築各什六 函函字之譌宋本正作函

雨輦什二 尹注云車輦所以禦雨故曰雨輦王云案說文輦

大車駕馬也輦非所以禦雨輦當爲輦

扶遠步本二反

字之誤也輦

謂車蓋弓也方言車枸簍隴西謂之搖郭注曰卽車弓也搖與輦同釋名曰輦藩也藩蔽雨水也故注云車輦所以禦雨故曰雨輦

食器兩具 安井衡云兩具當爲雨具雨具簍笠之屬

補弊久去苦惡 陳先生云久讀爲舊弊舊弊壞古舊也苦讀爲鹽鵠羽傳曰鹽不攻致也又四牡傳曰鹽不堅固也弊久

苦惡皆謂不完堅者也完堅者取之不完堅者補之去之此以三字爲句尹注補弊爲句久去苦惡爲句失其句讀

春三月 丁云春上脫當字下文夏秋冬皆有禁藏篇云當春三月是其證

水糾列之時也 安井衡云列與裂同

地有不生草者必爲之囊 張云囊壤字之誤

不利作土功之事放農畝 俞云放讀爲妨月令曰毋發令而待以妨神農之事卽其義吳說同

一日把百日鋪 丁云鋪與補同廣雅補積也又云穡也聘禮記注云筥穡名也今萊易之間刈稻聚把有名爲筥者疏云筥穡一也卽今人謂之一鋪兩鋪也鋪亦與補同

暑雨止 中立本作暑氣止

實厝倉 安井衡云古本厝作廩

寡人悖不知四害之服柰何 聖案服乃備之聲誤俞說同
春不收枯骨朽脊 洪云周官蜡氏掌除骹注故書骹作脊鄭
司農云脊讀爲殯謂外骨也月令曰掩骼埋胔藝文類聚百
御覽二十二又三十八引俱作朽胔古字通用

夏有大露原煙噎下百草人采食之傷人 陳先生云噎當是
噎之譌字釋名噎翳也小爾雅噎冥也豬飼彥博云露乃霧
字誤原乃厚字誤

故不八九舛也 宋本中立本八作入

以冬賞罰 陳先生云冬讀爲終古以冬爲終謂終之以賞罰
也

故民不比也 丁云比疑北字誤北古背字

冬時行隄防可治者章而上之都 惠云章古壇字丁云案章
訓條訓衰訓程謂奏上事也

衝水可据者据之 中立本衝誤衛

終歲以母敗爲固 宋本固作故元本作效

獨水蒙壤 王云獨水當爲濁水見下文

亟爲寡人敦側臣 陳先生云臣下當有闕文

管子校正卷十八

管子校正卷十九

戴望纂

地員第五十八 稷篇九 宋云說文員物數也此篇皆言地
生物之數故以地員名篇

濱田悉徒 吳云悉盡也徒當爲壤字之誤下文白徒同
其立后而手實 陳先生云立猶樹也后與厚同小雅傳曰手
取也言五種之穀其樹厚而取實也尹注失之

其木宜旣蒔與杜松 劉云旣當作杭出豫章煎汁藏果及卵
不壞蒔當作榆杜木名

黃唐無立也 御覽百穀部三引唐作墳元本作堂俞氏正燮
云唐與廣音義相近莊子田子方篇求馬唐肆釋文引司馬
彪本作廣肆此言黃唐亦言黃壤之廣闊者尹注以唐爲虛

脆於義不合輕重甲篇言唐園呂覽尊師篇言唐園亦謂廣大園圃也

行唐落 丁云落落之偕字說文地落也廣雅落地也

其草宜黍稷與茅 丁云上文云黃唐無宜也唯宜黍稷也黍稷列在五種中非草名此涉上文而誤衍但與茅二字亦有誤俞云管子原文疑當作其草宜茅茅說文茅艸也可已爲繩是茅與茅正同類也茅字壞作子校寫者因子字無義見下文有其草魚腸與猶其草當與蓂之文疑子與古人通用遂改作與而本文又無他草不得言與乃據上文唯宜黍稷妄加黍稷字耳

其木宜樛橐桑 王氏引之云尹注以橐桑爲柔桑非也

篇爰求柔桑自謂求桑之舞者以善初生之體耳非謂柔桑爲桑名也 樛橐桑三者皆木名樛

讀爲唐風隔有柎之柎爾雅柎櫪郭璞曰似棣細葉葉新生可飼牛枅中車輞關西呼柎子一名土櫪西山經曰英山其上多柎櫪是也櫪字古讀若狃故與柎通左傳公山不狃論語作弗擾是其證也

其泉黃而糗流徙 王云黃而糗後漢書馮衍傳注引作黃而有臭是也上文云其水白而甘下文云其水鹹又云其水黑而苦則此文當作其泉黃而有臭無取於糗也尹注非流徙上當有水字下文云斥堠其泉鹹水流徙是其證陳先生云有字衍黃而臭與下文白而甘黑而苦同糗乃臭水二字竝寫致誤耳

其泉鹹 後漢書馮衍傳注引作其味鹹

其草宜萃蒨 中立本萃誤蒨

先主一而三之 王氏引之云主當爲立字之誤也史記律書云置一而九三之以爲法置一卽立一

不無有三分而去其乘 丁云不無二字衍有同又下文又三分其句例

墳延者六施 張云墳延卽大司徒之墳衍鄭注水厓曰墳下平曰衍下文亦云枉隕枉衍

陝之芳 俞云芳當爲旁字之誤與下文言山之上山之側義同望謂管子古本當是方字方通作旁虞書方鳩偃功說文引作旁逮孱功其證也

七八五十六尺而至於泉 宋本作八七五十六尺與上文六七四十二尺七七四十九尺一律下文七九六十三尺亦當作九七

付山白徒 丁云徒當爲壤下文勢山赤壤陞山白壤又乘馬
篇有蔓山汎山蔓山卽上文云蔓山十二施也汎山卽付山
疑付乃汎字誤尹注謂皆地名非矣

青龍之所居庚泥不可得泉 丁云青龍五字屬上句以上文
言青山是因青龍得名也庚泥上脫其下二字下文云其下
清商不可得泉其下駢石不可得泉其下灰壤不可得泉皆
有其下二字

其下清商不可得泉 宋本朱本清作青

徒山 宋本作徒山元本作陡

其草如茅與走 兪云如茅疑卽爾雅釋草所謂茹慮茅蒐非
必二草也丁云走非草名疑蕘字誤

山之材 陳先生云山之材當爲山之側與下文山之側同此

兩言山之側猶上文兩言山之上也俞云枅字無義疑手字之誤手者坐之古文見說文我部說文又曰坐遠邊也是坐有邊側之義尹注訓枅爲旁正得其解惜未得其字耳

其草兢與蓄其木乃格 丁云兢疑霍字誤格木未聞或柘字誤俞云格榘之段字爾雅釋木櫟榘郭注曰柈屬說文曰榘木可作牀几徐鍇以爲梓屬

鑿之二七十四尺而至於泉又鑿之三七十二一尺而至於泉 丁云此兩句與上文鑿之二尺鑿之三尺其數懸絕二七三七以施計而不言二施三施與上文墳延以下之例又不同必有脫文無從是正

其木乃品榆 王氏引之云品榆當爲區榆區與榆同類故竝言之字本作區或作樞又作樞竝讀如謳歌之謳爾雅釋木

樞莖郭注曰今之刺榆唐風山有樞傳曰樞莖也釋文竝烏
侯反云本或作蔭爾雅疏引陸機詩疏曰其針刺如柘其葉
如榆滿爲茹美滑於白榆是也區字本有謳音故蔭通作區
今則脫其亡胡禮反字而爲品矣

各有草土 元本土作木

蔓下於莧莧下於蒲蒲下於葦葦下於萑 王云莧當爲莞爾
雅釋草莞苻離某氏曰本草云白蒲一名苻離楚謂之莞蒲
小雅斯干篇下莞上簟鄭箋曰莞小蒲之席也釋文曰莞草
叢生水中莖圓江南以爲席形似小蒲而實非也莞似蒲而
小故曰莞下於蒲若莧則非其類矣逸周書文傳篇曰潤涇
不穀樹之竹葦莞蒲穆天子傳曰爰有萑葦莞蒲此文云莧
下於蒲蒲下於葦葦下於萑則莧字明是莞字之譌隸書完

字或作𦵏形與見相似故諸書中𦵏字多譌爲𦵏

陸氏九五𦵏

注曰𦵏讀夫子𦵏爾而笑之𦵏𦵏卽𦵏字之譌故釋文云𦵏一本作𦵏論語陽貨篇夫子𦵏爾而笑釋文𦵏作𦵏楚辭漁父漁父𦵏爾而笑𦵏一作𦵏列子天瑞篇老莊爲𦵏釋文𦵏一作𦵏文選弄臣論𦵏然坐乘其敝李善本作𦵏

薛下於萑萑下於茅 宋本注萑音追𦵏也一作萑中立本

同趙本張云𦵏當作𦵏釋艸萑萑郭注今𦵏也釋文萑音

追萑他回反王風中谷有萑毛傳萑離也釋文萑他雷反引

韓詩云𦵏蔚也竝與尹注合𦵏形近而譌

每州有常而物有次 王云每州有常困學紀聞周禮類引作

每土有常是也下文上土中土下土各有三十物故曰每土

有常而物有次不當言每州也此涉上文九州而誤

其種大重細重 陳先生云重古種字毛詩七月傳曰後孰曰

重周禮內宰種陸之種釋文種本作重鄭司農曰先種後孰

謂之重皆古文以種爲重之證

其地其樊俱宐竹箭藻龜檀檀 陳先生云俱宐竹箭藻龜檀檀以四字爲句下文云皆宐竹箭求龜檀檀句正相同藻龜求龜皆誤字也上一字皆柔字之誤藻柔形相近求柔聲相近因而誤作藻又作求下一字乃鼃字之誤鼃字減去上半之敝遂誤作龜龜隸變作鼃鼃隸變作龜故又誤作龜耳爾雅毛傳皆曰鼃鼃也鼃與鼃一聲之轉詩疏引舍人曰鼃一名鼃齊民要術引陸機疏曰鼃山菜也又曰周秦曰鼃齊魯曰鼃蓋鼃鼃同物管子齊人故呼鼃爲鼃也檀與柔文相對山海經郭璞注曰檀剛木中車材詩鄭風傳曰檀彊刃字忍之木彊忍之木卽剛木也柔鼃檀檀可食故曰柔鼃檀中材故曰檀檀一爲艸一爲木也尹注不能釐正遂解下文之

求黽謂亦竹類連上竹箭爲句其誤特甚張云此文藻字疑
棕字之誤說見後

五粟之土乾而不格 陳先生云格讀爲塔禮記學記篇發然
後禁則扞格而不勝注格讀如凍塔之塔扞格堅不可入之
兒此格塔通假之證說文曰塔水乾也一曰堅也玉篇廣韻
皆曰塔土乾也此不塔與不澤對下文曰五沃之土乾而
不斥湛而不澤斥與坵同不斥猶不塔也又下文曰五臈之
狀堅而不豁豁亦塔也

蟲易全處 王氏引之云蟲易全處殊爲不詞易當爲牙牙與
易篆文相似故牙譌作易爾雅曰有足謂之蟲無足謂之牙
漢書五行志曰蟲牙之類謂之孽

𦵏莖黑秀箭長 張云尹注𦵏音形形乃彤字之誤鉉本說文

執音徒冬切篇韻同

其秀生莖起 丁云其字疑涉上下文而行

其陰則生之植藥其陽則安樹之五麻 聖案下則字衍安卽則也不當有則字說見幼官篇

其細者如萑如蒸欲有與各 宋本朱本各皆作名聖案各名疑皆分字之誤謂細麻之中若萑若蒸欲有人與之分別也

丁說同

大者不類小者則治 劉云類當作類疵節也言大麻疏美蕪

疵節小麻條理易治也注非 王云類類古字通昭十六年左傳荆之類類服虔讀類爲類二

十八年忿類蕪期服本作類老子夷道若類河上公本作類

寡有疥騷 丁云疥騷卽疥癢也古字段用

經蕪病醒 中立本醒誤醒

無高下祿澤以處 張云下上當脫無字上文云若高若下不
操疇所此云無高無下祿澤以處句法正同

五位之狀不塌不灰青恣以落及 王氏引之云落與灰爲均
及字衍文下文云五隱之狀黑土黑落青忱以肥芬然若灰
亦以落灰爲均望案塌字字書無見未知何義

其種大輦無細輦 安井衡云上云三十種十二物若無細輦
種只有十一無字當衍

皆立竹箭求甍檣檀 張云求疑來字之誤爾雅釋木椋卽來
郭注中車輞則亦堅木與檣檀類玉篇椋椋也集韻椋木名
通作來

有龍與斥 俞云尹注曰龍斥竝古草名此古字殊爲無義案
爾雅釋草紅龍古疑此文龍下當脫古字注文蓋作龍古斥

竝草名而傳誤也丁云斤字之誤斤芹省龍與芹一水菜
一水艸

條長數大 爾雅翼引大作丈

種木胥容 丁云種種字之誤胥容卽檣榕之省檣檣榕凡三
種木

榆桃桺棟 朱本棟作棟

其山之梟 陳先生云梟當爲鼎字之誤說文曰鼎到首也賈
侍中說此斲首到鼎字段注曰廣韻引漢書鼎首殖其骨今
荆法志作梟此鼎作梟其誤正同到首謂之鼎故山顛亦謂
之鼎後人少見鼎多見梟遂改鼎爲梟矣

其山之末有箭與苑 王云箭當爲箭爾雅釋草曰箭王簪郭
注王帶也似黎其樹可以爲埽簪江東呼之曰落帶說文作

蒲義同爾雅又曰箭山莓郭注今之木莓也實似蔗莓而大亦可食說文作莠義同草之名箭者有二則未知此所謂箭者爲王簪與爲山莓與唯與苑並言之則亦是草名而非竹箭之箭故知箭爲箭之譌也苑與苑通急就篇曰牡蒙甘草苑藜蘆顏師古注苑謂紫苑女苑之屬

其林其漉 張云漉麓之段字鄭注堯典曰麓山足也

鳥獸安施 聖案施當爲族字之誤說見幼官篇

其葉若苑 王云苑卽上文有箭與苑之苑尹注非

以蓄殖果木 丁云以字衍下文言蓄殖果木凡十三句皆無以字

菰莖黃秀以慈忍水旱無不宐也 丁云菰莖黃秀以慈慈讀爲滋訓多下文五慈菰莖黃秀以慈脫以字忍水旱對下五

塌五穀不忍水旱也下文五沙白莖青秀以蔓正與此句例
相同又證以上文菰莖黑秀箭長菰莖黃秀恚目句例亦同
五浮之狀捍然如米以秣澤不離不圻 丁云秣字衍澤讀潤
澤之澤言如米之中堅而外潤是以不離不圻也下文芬焉
若穰以脆華然如芬以脹是其句例

其種忍蘆忍葉如萑葉以長狐背黃莖黑莖黑秀 張云忍蘆
爾雅作隱苾齊民要術同丁云案上下文言其種某某皆先
言種下言莖秀之色然後釋物種之形狀此亦當先言黃莖
黑秀下乃接忍葉以下九字又案此忍蘆與下文樞葛皆不
言大小恐有闕文如忍蘆樞葛各分大小正合上土十二種
之數下土十二種一大華二細華三青梨四雁膳五朱附六
大菽七細菽八陵稻九黑鵝十馬夫十一白稻尙缺一或

青梁亦富有大小故耶聖謂上下文皆言其葉若某此忍葉當爲其葉之誤

莖葉如扶櫺 宋本扶作扶丁云扶櫺木名可如其葉不可如其莖當作某莖某秀其葉如扶櫺云云今本莖上脫一字莖下脫二字葉上又脫其字知者以上文言物種莖秀色七下文言莖秀色六而此大小邯鄲列在中閒不應不舉莖秀之色其爲脫文無疑雖下文五埴五穀五鳧五桀之種皆不言莖秀之色然不可以彼例此彼或下土之次之種故略而不言或本有脫亦未可知也

芬焉若穰以肥

丁云肥必是肥字之誤

艸人注輕與輕肥者

尹注云謂

其地色黃而虛虛字正釋肥字上文五蔭青忱以肥亦當是

肥字

華然如芬以賑 聖案賑疑振字誤

其種大蕒細蕒 王氏引之云尹說蕒爲草名非也此篇凡言
其種某某者皆指五穀而言若草木則於五穀之外別言之
不得稱種也蕒讀爲大雅維秬維秠之秬爾雅曰秬黑黍秠
一稂二米郭注曰秠亦黑黍但中米異耳上文云其種大秬
小秬此云其種大蕒小蕒是蕒卽秬也蕒字从艸負聲負古
讀若倍說見唐韻正 聲與秬相近秬之通作蕒猶丕之通作負也
金縢是有丕子之責于天史記魯世家丕作負 月令王瓜生鄭注曰今月令云王蕒
生呂氏春秋孟夏篇作王菩生穆天子傳爰有萑葦莞蒲茅
蕒郭注曰蕒今菩字音倍中山經蕒山郭注曰蕒音倍漢書
宣帝紀行幸蕒陽宮李斐曰蕒音倍東方朔傳蕒陽作倍陽
是蕒字古讀若倍聲與秬相近故字亦相通也

五塠之狀累然如僕累 洪云山海經中山經墀渚多僕累郭璞注云僕累蝸牛也此上下文若糠以肥如屑塵厲如糞如鼠肝皆舉物以喻其土尹注非王云洪說是也僕累卽爾雅之蚘蟧聲相近

其種大穆杞細穆杞黑莖黑秀 王云穆當爲穆杞當爲杞穆卽黍稷重穆之穆杞卽維靡維芑之芑


卽重穆之重莖卽維拒維桎之桎

大荒南經維宜芑芑穆楊是倉郭注曰管

上文云大重細重大拒細拒大莖細莖重

子說地所宜云其種穆杞黑秀皆禾類也是其證尹注木名亦禾名之譌集韻紀禾名引管子其種穆杞義本尹注也

猶土之次曰五壯 宋本作五弘元本作壯宋云案淮南地形訓云壯土之氣御于赤天許君注壯土南方之土也彼言壯土與此言壯土是一事壯壯竝弦字之譌弦讀爲墳古音同

部相段偆也廣韻二十文蕢古文作從弓从邑無義蓋
蕢之古文當作弦故廣雅釋器云蕢弦也古讀弦如墳則弦
墳實可通用禹貢沆青徐之土竝言墳以地卑故弦土爲下
上之次豫州言厥土惟壤下土墳壚蓋北近雒冀則厥土惟
壤故地員壤土爲上土也南近楊荊則下土墳壚故地員壚
土爲中土弦土爲下土也淮南以南方爲弦土卽禹貢豫州
下土墳壚之義

五殖之狀甚澤以疏離圻以臞瘠 丁云甚卽上文湛而不澤
之湛謂土溼解散又極麤疏也疏與臞字爲均瘠字衍此或
注文訓臞爲瘠文有脫落因而致誤

五殖之次曰五穀 王云五殖當爲殖土例見上下文
穀土之次曰五臯 丁云臯當爲臯字之誤臯澆之段字說文

曰澆薄也

弟子職第五十九 襍篇十

弟子是則 風俗通義引是則作則之

毋驕恃力 中立本恃誤持

志毋虛邪 周官攷工記韞人注引虛作空

衣帶必飾 宋本飾作飭

凡言與行思中以爲紀古之將興者必由此始 莊氏述祖云

凡言與行以下十八字當在師出皆起之下今本誤

所求雖不在 朱本在作得

置醬錯會 朱本錯作醢惠氏士奇校改爲醢醬云醬之多汁

者也張云錯猶置也卽下云凡置彼會是也朱本誤爲醢惠

氏因改爲醢醬非矣篇末錯總之法錯字亦同此訓

左酒右醬 洪云醬當爲漿曲禮酒漿處右注曰兩有之則左酒右醬義本此北堂書鈔百四十四御覽八百六十一引醬作漿書鈔引注云漿右當漱也不知何人所撰

三飯二斗 莊云二當爲貳斗當爲豆周禮酒正大祭三貳注鄭司農云三貳三盞副之也曲禮雖貳不辭注貳謂重穀膳也貳豆謂盞所設之穀膳也

右執挾匕 安井衡云古本挾作挾

周還而貳唯噍之視 聖案周官酒正司農注賈公彥疏皆引此二句還作旋賈疏云周旋而貳者欲副盞酒尊之時噍謂不滿唯酒尊不滿者視之更盞

柄尺不跪 禮記少儀正義引此文柄上有進字聖案尹注云豆有柄長尺則立而進之則尹本有進字今脫去耳

拚前斂祭 宋本斂作板板爲扱字之誤說見下

飯必捧擊 陳先生云擊者擊之誤字說文楊雄曰擊握也捧擊捧握也握持也

旣徹并器乃還而立 安井衡云古本無此二句

攘臂袂及肘 中立本袂誤秋

執箕膺揲 洪云揲當依下文作葉曲禮注引作搗儀禮士冠禮注古文葉爲搗毛詩小戎正義引作執箕膺搗傳寫之誤其儀不忒 宋本忒作貸

坐板排之 尹注云板穢時以手排之也張云說文板判也判穢無義板蓋扱字之譌曲禮以箕自向而扱之鄭注扱讀爲吸謂收糞時也扱與板形正相近因悟上文拚前斂祭宋本斂作板板亦扱之譌故注云旣會畢埽席前并搜斂所祭也

傳寫誤拔爲板校者見板字不可通因取注中斂字易之不知仍板字之舊尙可使讀者尋繹爲拔字之譌改爲斂字則從此失真矣又疑彼注搜字亦拔之誤曰本豬飼氏說同錯總之法 丁云總總之段字說文燠然麻烝也燠者總也說文總聚束也廣雅燠炬也

居句如矩 丁云居句讀爲攷工記之倨句謂身侈之度也如矩謂一執新燭一執將盡之燭相交正方如矩也攷工記于磬氏曰倨句一矩有半于鞀人曰倨句磬折此卽一矩有半也于冶氏曰倨句外博此侈于矩而不及一矩有半也于匠人曰句於矩此斂於矩而不及一矩也此云倨句如矩則正方也凡倨句連文猶云大小析言之則如鉤爪倨牙是也右手執燭左手正櫛 孫云禮記檀弓注引作右手折墜正義

引作左手秉燭右手正望釋文同望燭頭燼也此左右誤乙
又作櫛字誤丁云廣雅炰燂也說文炰燂燂也尹注櫛謂
燭盡盡與燂通說文燂火餘木也望爲炰偕字作櫛者誤上
文櫛之遠近乃承厥火同

有墮代燭 宋本墮作隨古字段偕

問所何趾 洪云案說文引作問正何止古文亦以爲足字或
曰胥字此作所字與胥音相近

言昭第六十 巳 襍篇十一

脩身第六十一 巳 襍篇十二

問霸第六十二 巳 襍篇十三

牧民解第六十三 巳 管子解一

管子校正卷十九

管校十九